

76  
 maior quam ad characteris perfectionem quia totum contingit. quod talis potestas ordinis non potest per se in quantum est sacerdos vel episcopus aut in aliquo ordine ordinatus. unde poterit esse verus ipse habens plenam administrationem et iurisdictionem in tota ecclesia et tamen carebit omni potestate ordinis. quod si est dyaconus carebit potestate sacerdotali et episcopali nisi consecratus. **A**d tertium est dicendum. quod sicut dicit apostolus ad corinthios. ad iudicia et litigia determinanda contempribiles de ecclesia debent eligi. per hoc enim quod imperatores et reges leges condunt per quas iudicia et litigia secularium personarum terminant non habent quod ipsi sunt maiores. sed potius contemptibiles et inferiores in ecclesia ut dicit Cyprianus compositor. r. d. c. quoniam idem. **Q**uod christiani imperatores per eterna vota pontificibus indigent. Pontifices vero per cursum rerum temporalium tantummodo legibus impiabilibus utuntur ne serviens deo implicet se negotiis secularibus vel potest dicitur quod in legibus condendis et iudiciis preferendis imperatores et reges non habent immediatam iurisdictionem et confirmationem quia auctoritate papae oportet quod talia sint roborata et confirmata habent tamen immediatam executionem et ad administrationem ex hoc tamen non arguitur quod sint maiores vel aequales sibi in potestate sed potius inferiores.

**A**d quartum sic praedicitur. videtur enim quod potestas papae non sit singularis a deo quod potestas aliorum. quia ille qui habet equaliter curam de omnibus non magis specialiter respicit principatum unius quam principatum alterius. Sed scribitur sapientie. quod pusillum et magnum ipse deus fecit et equaliter sibi cura est de omnibus. ergo non videtur quod potestas ipse sit singularis a deo quod potestas aliorum. **P**reterea contingit in principatu ecclesiastico assumi quique malos et bonos pastores sicut contingit malos et bonos rectores eligi ad principatum secularem non ergo potestas papae singularis est a deo quod potestas aliorum. **P**reterea ibi est magis succurrendum per specialem providentiam ubi est maius periculum. sicut in regimine rerum temporalium videtur esse maius periculum propter pluralitatem negotiorum occurrentium quam in regimine spiritualium. ergo videtur quod potestas secularium principum magis singulariter sit a deo quod potestas papae. **I**n contrarium est. quia sicut se habet potestas spiritualis ad temporalem. sic se habet spirituale ad corporale. sicut spirituale principaliter et singulariter est a deo quod corporale. cum ipse deus spiritus sit. ergo eodem modo principaliter et singulariter est a deo potestas ipse quam potestas aliorum. **R**. Dicendum quod in potestate papae tria possunt considerari. Primo eius electionem. Secundo eius gubernationem. Et tertio impugnatum et non obedientium sibi punitionem et secundum ista tria tria modis potest ostendi quod potestas papae singularis est a deo quod potestas aliorum. Primo quantum ad eius electionem. licet enim omnis potestas sit a deo ut dicitur ad romanos. tunc potestas est tamen ipse immediatius et singulariter est a deo quam alia. quia sicut deus generaliter habet esse in omnibus rebus creatis per partem potentiam